



2025 ko urriaren 10ko Hezkuntza sailburuordearen ebazpena, 18 urtetik gorako pertsonen 2025-2026 ikasturtean Derrigorrezko Bigarren Hezkuntzako Graduatuen titulua lortu ahal izateko proba librei buruzkoa.

Maiatzaren 3ko 2/2006 lege organikoak, Hezkuntzari buruzkoak (LOE), 5. artikuluan xedatutakoaren arabera, pertsona guztiek izan behar dute, hezkuntza-sisteman eta hezkuntza-sistematik at, bizitzan zehar prestakuntza jasotzeko aukera, haien garapen pertsonal eta profesionalerako gaitasun, ezagutza eta trebetasunak eskuratu, gaurkotu, osatu eta zabaltzeko asmoz. Hezkuntza-sistemak etengabeko hezkuntza sustatzea du helburu, ikaskuntza beste ardura eta jardura batzuekin bateragarria izan dadin erraztasunak emanez. Halaber, administrazio publikoek dute ikaskuntza malguaren eskaintzak sustatzearen ardura, hezkuntza-sistema inolako titulaziorik gabe utzi zuten pertsonen oinarritzko gaitasunak eta titulazioak eskura ditzaten.

77/2023 Dekretuak, maiatzaren 30ekoa Oinarritzko Hezkuntzaren curriculum zehaztu eta Euskal Autonomia Erkidegoan ezartzen duenak Oinarritzko Hezkuntzaren berariazko curriculum eta ebaluazioa ezartzen ditu Lehen Hezkuntzaren eta Derrigorrezko Bigarren Hezkuntzaren curriculum ezartzen duen oinarritzko araubidea eragotzi gabe. Gainera bosgarren Xedapen gehigarri bat ezartzen du eta bertan aipatzen du Lehen Hezkuntzari dagozkion oinarritzko kompetentziak eskuratu nahi dituzten helduei beren egoerara egokitutako eskaintza egingo zaiela, aurrez aurreko hezkuntzaren bidez edo urrutiko hezkuntzaren bidez. Etapa honetako irakaskuntzak modu modularrean antolatuko dira, hiru eremutan, eta, horietako bakoitzean, bi mailatan.

Aipatutako Laugarren Xedapen Gehigarriko 6. artikuluan aurreikusten da hemezortzi urtetik gorako pertsonen Derrigorrezko Bigarren Hezkuntzako graduatua zuzenean lortu ahal izateko probak antolatzea aldizka, betiere, pertsona horiek funtsezko kompetentziak eta etapako helburuak lortu badituzte. Proba horiek Derrigorrezko Bigarren Hezkuntzaren gutxieneko irakaskuntzak eta antolamendua ezartzen dituen martxoaren 29ko 217/2022 Errege Dekretuaren hirugarren xedapen gehigarrian xedatutakoaren arabera antolatu behar dira.

Horiek horrela, prozeduraren eta baldintzen arauak ezarri behar dira, helduek Derrigorrezko Bigarren Hezkuntzako Graduatuen titulua eskuratu ahal izateko ez ohiko probaren bidez.

Horregatik,

XEDATU DUT:

1. artikulua.- Helburua.

Euskal Autonomia Erkidegoan 18 urtetik gorako pertsonen 2025-2026 ikasturtean Derrigorrezko Bigarren Hezkuntzako Graduatuen titulua lor dezaten proba libreak zehaztu eta arautzea ditu ebazpen honek helburu.

2. artikulua.- Xedea.

Funtsezko gaitasunak eta etaparen helburuak eskuratu izana erakusten duten parte-hartzaileek gure hezkuntza-sistemaren oinarritzko titulazioa lortu ahal izatea dute 18 urtetik gorako pertsonen Derrigorrezko Bigarren Hezkuntzako Graduatuen titulua lortzeko probek helburu.

Donostia - San Sebastián, 1 – 01010 VITORIA-GASTEIZ
tef. 945 01 83 66 – e-mail: huispcbc@euskadi.eus





3. artikulua.- Parte-hartzaileak.

Matrikulatu ahal izango dira proba libreak egiteko ezarritako egunean 18 urte bete edo betetzen dituzten pertsonak eta 2025-2026 ikasturtean Derrigorrezko Bigarren Hezkuntzako Graduatuaren titulua lortzera bideratutako irakaskuntza ofizialetan (aurrez aurrekoak edo urrutikoak) matrikulatuta ez daudenak eta egon ez direnak.

4. artikulua.- Probak egingo diren datak eta tokiak.

Probak azaroaren 21an eta maiatzaren 8an egingo dira Hezkuntza Sailaren menpeko Bilbo, Donostia-San Sebastian eta Vitoria-Gasteizko Urrutiko Hezkuntzako Euskal Institutuko (UHEI) egoitzetan (UOHI ohietan). Ikastegi publiko horien iragarki-tauletan argitara eman beharko dira probak egingo diren datak.

Probak hiru saiotan egingo dira: zientzia eta teknologia eremuko proba goizeko 09:30etik 11:30 era, gizarte-eremuko proba 12:00etatik 13:30era eta komunikazio eremuko arratsaldeko 15:30etik 18:30era.

5. artikulua.- Matrikulazioa.

1.- Hezkuntza Sailaren menpeko Urrutiko Hezkuntzako Euskal Institutuak probak egingo direla adieraziko duen iragarkian agertu beharko du, gutxienez, matrikulatzeko epea. 2025-2026 ikasturterako matrikulatzeko ondorengo epeak ezartzen dira: 2025ko urriaren 20tik urriaren 31ra bitartean azaroko probarako 2026ko martxoaren 23tik apirilaren 1era, maiatzeko probarako. Epe hori itxi ondoren, eta aparteko arrazoiak egonez gero, ikastetxeko zuzendariak eman ahal izango die beste pertsona batzuei matrikulatzeko baimena.

2.- Probak egin nahi diren Urrutiko Hezkuntzako Euskal Institutuko egoitzan egin beharko da matrikula.

3.- Proba libreetan matrikulatzen diren ikasleek [Ikasgunea](#) plataforman kontsultatu ahal izango dute egindako matrikula-eskaeraren egoera, bai eta lortutako eta/edo ukatutako baliozkotzeak eta salbuespenak ere. Aplikazio horretan erregistratzeko, datu pertsonalak, helbide elektroniko bat eta pasahitz bat beharko dira. Plataforma horretan erregistratzen ez badira, matrikula egin zuten egoitzara jo beharko dute informazio hori lortzeko.

Ikastetxeek NAN edo AIZ ez duten eskatzaileei dagokien HNA identifikazio-zenbakia emango diete, [Ikasgunea](#) atarian argitaratzen diren behin-behineko eta behin betiko zerrendak, salbuespenak, baliozkotzeak eta kalifikazioak kontsultatzeko.

4.- Ikastegi bakoitzeko zuzendaritzak hartuko ditu probak egiteko neurriak.

5.- Matrikula egiteko behar den dokumentazioa:

- a) NAren, Egoiliar-txartelaren, pasaportearen edo norbere nortasuna egiaztatzen duen agiri baten fotokopia (jatorrizkoa eraman beharko du, egiaztatzeko).
- b) Matrikulazio-orria (ebazpen honen I. eranskin gisa sartuta dagoen ereduaren arabera eta ikastetxeak emango duena). Orri horretan ikaslea 2025-2026 ikasturtean Derrigorrezko Bigarren Hezkuntzako Graduatuaren titulua lortzera bideratutako irakaskuntza ofizialetan (aurrez aurrekoetan edo urrutikoetan) matrikulatuta ez dagoela aditzera emateko adierazpen bat sartu beharko da.
- c) Baliozkotzeren bat eskatuz gero, Oinarrizko Irakaskuntzako Eskolatze Liburua edo/eta Ikasketa Historia edo Helduen Hezkuntzako eremuren bat gainditu izanaren egiaztagiria gaineratu beharko du.



- d) Helduek Bigarren Hezkuntzako irakaskuntzetan matrikulatzeari uko egin diotela egiaztatzen duen agiria, ikasturte horretan hasi badira.
- e) Ezgaitasun-ziurtagiriaren fotokopia edo medikuaren txostena, izangaiak egokitzapen-bitartekoren bat behar badu.

6. artikulua.- Erreferentziako curriculum-esparrua.

77/2023 Dekretuak, maiatzaren 30ekoa Oinarrizko Hezkuntzaren curriculum-a zehaztu eta Euskal Autonomia Erkidegoan ezartzen duena (2023ko ekainaren 09ko EHAA), AGINDUA, 2021eko maiatzaren 20koa, Hezkuntzako sailburuarena, helduen Oinarrizko Hezkuntzaren berriazko curriculum-a zehaztu eta Euskal Autonomia Erkidegoan ezartzen duena eta AGINDUA, 77/2023 Dekretuak, maiatzaren 30ekoa 2021eko abuztuaren 26koa, Hezkuntzako sailburuarena, honen huts-zuzenketa egiten duena: 2021eko maiatzaren 20ko Agindua, zeinaren bitartez helduentzako Oinarrizko Hezkuntzaren berriazko curriculum-a ezarri eta Euskal Autonomia Erkidegoan ezartzen duena.

7. artikulua.- Ariketak.

1.- Ariketa bat egingo da hiru esparruetako bakoitzean (Komunikazioa, Gizartea eta Zientzia eta Teknologia). Bakarrik Komunikazio eremuaren kasuan zati desberdinak planteatu ahal izango dira ariketan, hizkuntzaren arabera.

2.- Komunikazio eremuan, atzerriko hizkuntza ingelesa, frantsesa, portugesa, alemana edo italiara izan ahal izango da. Ikastegietan ez badaude hizkuntza horietakoren batean trebatutako irakasleak, Hezkuntza Sailburuordetzak antolatuko ditu atzerriko hizkuntza horretako proba eta zuzentzeko prozesua.

8. artikulua.- Epaimahaia.

1.- Ikastetxeko zuzendaritzak Bigarren Hezkuntzako irakasleen artean proposatutako eta Ikastetxe eta Plangintza Zuzendariak izendatutako epaimahaiburu batek eta beste bi kidek osatuko dute, gutxienez, epaimahaia. Epaimahaiburuak epaimahaiko kideen artean izendatuko du idazkaria.

2.- Hiru eremuetako irakasle banak, gutxienez, egon beharko du epaimahaikideen artean.

3.- Epaimahaiko kideek zerbitzuen ondoriozko kalte ordainak jasotzeko eskubidea izango dute.

4.- Epaimahaiko kideek otsailaren 2ko 16/1993 Dekretuan eta gerora egindako aldaketa 267/2000 Dekretuan, abenduaren 19koan, kalte-ordainei buruzkoan aurreikusitako konpentsazio ekonomikoak jasoko dituzte. Dekretu horren arabera, langileek dietak eta asistentziak jasotzeko eskubidea dute, probak ebaluatzeaz arduratzen diren epaimahaietako kide direnean.

5.- Epaimahai ebaluatzaileetako partaideei ezarritako sistemaren arabera kalte-ordaina ordaintzen zaie, hau da, agindutako zereginetan emandako sei orduko saio bat.

9. artikulua.- Ebaluazioa.

1.- Eremu bakoitza osotara ebaluatuko da eta era honetara: Gutxiegi (GU), Nahiko (NA), Ongi (O), Oso Ongi (OO) eta Bikain (BI). Emaizta zenbakiekin ere adieraziko da, 1etik 10era eta hamartarrik erabili gabe. Hona baliokideak:

- 1. Gutxiegi: 4
- 2. Nahiko: 5



3. Ongi: 6
4. Oso Ongi: 8
5. Bikain:10

Komunikazio eremuan hiru hizkuntzek % 25etik gorako puntuazioa izango dute.

2.- Probaren kalifikazio globala 3 esparruen batezbestekoa izango da eta hiru esparruak gainditu beharko dira, titulua lortzeko.

3.- Proba egin ondoren, ikastetxeko zuzendaritzak tokian tokiko Hezkuntza Ikuskaritzari bidaliko dio akten kopia (II. eranskina).

10. artikulua.- Ziurtagiriak eta titulazioa.

1.- Parte-hartzaile guztiek izango dute probaren emaitza globalak edota eremu bakoitzarenak egiaztatzeko ziurtagiri bat edukitzeko eskubidea, ikastetxeko idazkariak emandakoa eta zuzendariaren oniritziarekin.

2.- Hiru eremuak gainditzen dituztenek, ez beste inork, edukiko dute Bigarren Hezkuntzako Graduatuaren titulua izateko eskubidea eta ikastetxeak tituluak emateko proposamenean sartuko ditu ikasle horiek.

3.- Eremu bakoitza gainditu izana hurrengo deialdietan hartuko da kontuan..

XEDAPEN GEHIGARRIA

Salbuespenak eta curriculum-egokitzenak

1.- Derrigorrezko Bigarren Hezkuntzako ikasle guztiei aplikatzen zaizkien albuespen eta egokitzenaren araudia aplikatuko da proba hauetan.

2.- 1971 baino lehenago jaio ziren pertsonen euskaratik albuetsi ahal izango zaie. Horretarako, nahikoa da Nortasun Agirian, Egoiliar-Txartelean, pasaportean edo norbere nortasuna egiaztatzen den agiri batean agertzen den jaiotze-data ikustea.

3.- Euskarazko albuespena emango zaie, baita ere, Oinarrizko Hezkuntza egiterakoan irakasgai hori ikasi ez izana, dokumentu idatziaren bidez egiaztatzen badute.

AZKEN XEDAPENA

2001eko martxoaren 15eko Hezkuntza, Unibertsitate eta Ikerketa sailburuaren Agindua (2002ko urriaren 21eko aginduaren bidez aldatua), 18 urtetik gorakoek Derrigorrezko Bigarren Hezkuntzako Graduatuaren titulua lortzeko proba libre ezartzen duena, aplikatuko da ebazpen honetan agertzen ez diren gaitetarako. Aldi berean, 77/2023 Dekretuak, maiatzaren 30ekoa, Oinarrizko Hezkuntzaren curriculum zehaztu eta Euskal Autonomia Erkidegoan ezartzen duena (2023ko ekainaren 09ko EHAA)

Vitoria-Gasteiz, sinadura elektronikoaren data

Izp.: Lucía Torrealday Berrueco
HEZKUNTZA SAILBURUORDEA